

Universitätsbibliothek Paderborn

Mirabilis Vita Venerabilis Virginis Marinæ De Escobar Vallisoletanæ

Deprompta ex ijs, quæ ipsamet jussu Patrum suorum Spiritualium
consignavit

Vitæ Venerabilis Virginis Marinæ De Escobar. Pars Prima

Puente, Luis de la

Pragæ, 1672

Caput 3. De Annuntiatione Beatissimæ Virginis.

urn:nbn:de:hbz:466:1-38580

diabolum, qui aliquantum distabat à Domina Nostra, & quasi volebat ipsam adorari à tergo, ac inferre illi aliquod damnū; quod tamen non poterat, quia erat destituta viribus. Vidi etiam ex Christo Domino crucifixo prodeuntem quandam Divinam virtutem, instar parvæ gratosissimæ nebulæ, quæ humectabat totam illam sanctissimam Puellam, eandemque reddebat formosissimam, ut adæquaret mille soles, plurimumque illuстрabat. Eximia fuit elegantia, bonitas, cæterique Divini thesauri, quos vidi & agnovi in illa sanctissima Domina, ut excedant captum omnis intellectus. Diabolus fugit, ac evanuit. Sanctus autem Patriarcha subito sustulit ad suas ulnas intemeratam Virginem valde reverenter, & amanter, intuebaturque ipsam, & se in ea contemplabatur: amplectabatur etiam illam, & osculabatur, compellabatque mille blandis verbis, dicendo ipsi: Filia mea, Domina mea. Et Sanctissima Puella stringebat suis brachijs col-

lum sui sanctissimi Patris, ac amplectabatur ipsum, atque osculabatur cum magna honoris exhibitione: sic illam sanctus Patriarcha tulit ad me, ut ipsam venerarer, & contemplarer. Cum esset apud me, vidi venientes plurimos sanctos Angelos, ac adferentes quoddam pretiosum pallium, quo coopertum sanctum Patriarcham cum sanctissima Pupula Domina nostra, quam gestabat in brachijs, tulerunt ad cœlum, cōcinendo eximias laudes istius Dominæ, sanctique Patriarchæ: præsertim vero decantabant encomia purissimæ & sanctissimæ Conceptionis Dominæ Nostræ, atque hoc modo illam portaverunt quoadiisque effugeret meos oculos. *Dictum mihi est, significatum mihi n hoc Mysterio fuisse, quod puritas Conceptionis Domine Nostræ, sit attribuenda Christi Domini crucifixi virtuti ac meritis, que ipsi fuerunt ab eo applicata, quodque fuerit preservata à lapsu in peccatum originale.*

(e) * * (a)

CAPUT III.

De Annunciatione Beatissimæ Virginis.

§. I.

Agens cum DEO, in per vigilio quadam Festi Salutis DEI patræ, manè converti oculos animæ ad unam partem mei cubiculi, & confexi Sanctissimam Virginem Dominam nostram, cum sancto Archangelo Gabriele. Recurri subito ob meos solitos timores ad DEUM, quemadmodum consuevi, postulans ab eo lumen ad me conformandam in omnibus sanctæ ipsius voluntati, & cognoscendas ejusdem veritates. Non multò post, sum illam denuò intuita, dixi: mihi sanctus Angelus: *Quid times? quare turbaris? ne fugias: eā viā, quā cogitas effugere gratias, quas tibi DEUS præstat, magis te disponis ad illas consequendas.* Et ego ipsi respondi: *Angele sancte, dum*

considero ingentes favores, quos mihi DEUS his diebus exhibet, adeo excedentes meum meritum, timeo, & erubesco. Sanctus Angelus autem mihi dixit: *Timores ac tergiversationes tue moderatae & convenientes, potius te disponunt pro obtinendis his divinis favoribus: excedentes autem, & justo maiores, tibi præbent occasionem & materiam exercendæ mortificationis.* Si ergo, Sancte Archangele, ajebam ego, ita est, doce me, quid sit faciendum, ut me conformem Divinæ voluntati. Tum sanctus Archangelus extendit manum quasi attingendo quam reverentissimè vestem Sanctissimæ Virginis, quæ summa cum gravitate, & extraordinaria modestia atque charitate, mihi dixit: *Ego, quando sanctus hic Angelus venit ad me, nomine DEI invisendam, die meæ Annunciationis, non fugi: turbata sum tamen inculpabiliter, sicut quando Princeps quæ*

quæpiam Virgo, humilis ac verecunda, videt coram se drepente Legatum, adserentem ipsi aliquod nuntium, naturaliter turbatur, & erubescit pro animi sui demissione, eoque amplius, si id requirat conditio nuntij, quod adfert. Ego respondi: Enim vero, Domina, Tua Majestas voluit bene ab Angelo edoceri de nuntio, & interrogavit illum de modo, & quâ ratione futurum esset, quod nuntiabat. Responditq; Domina Nostra: Hoc ideo feci, quia Angelo DEI aliquid dicente, quod repugnare videtur Divinæ Legi, ac Præcepto, necesse est scire, quomodo sit futurum istud, deque eo instrui. Voto, quo ego me obstrinxeram, castitatis, videbatur repugnare nuntium, quod mihi adferebat, ideoque de illo petivi edoceri, quomodo esset mandandum executioni: statim tamen, ac specialiter à DEO illustrata cognovi, Angelum illum esse ipsius, & modum, quo peragendum erat illud Mysterium, fine mora consensi, dicendo: *Ecce Ancilla Domini, fiat mihi secundum verbum tuum.* Prosequuta est sanctissima Virgo suum sermonem, explicando aliquot versus ex Cantico, Magnificat, Divinâ suâ Sapientiâ, & quomodo illius anima laudaverit ac benedixerit DEUM, propter magnam gratiâ, quam illi præstiterat, dum ipsam fecit suam Matrem; quomodo etiam omnes gentes illam deprædicent ac benedicant, cōquod Dominus respexerit humilitatem ancillæ suæ, & alia his similia: quibus mea anima fuit recreata, & exultavit in Domino.

Sequenti die Festo Dominae nostræ, continuavit DEUS gratiam, quam fuerat exorsus pridie, & manè adverti in visione, imaginaria, aliquem intrantem in meum conclave: quia audivi quasi strepitem vestem personæ ingredientis. Aspexi, quis esset, ac vidi sanctissimam Virginem Dominam nostram, intentam altissimæ contemplationi, & sanctum Archangelum Gabrielem, venientem nomine DEI, ad felix illi ac fortunatum adferendum nuntium, eo prorsus modo, quo id ipsi die Annunciationis ejus attulerat. Audivi & vidi, ac si denuò perageretur hoc Mysterium,

Salutationem Angeli, turbationem Sanctissimæ Virginis, interrogations ac responsa ejusdem Dominae, & sancti Archangeli Gabrielis, ad ultimum usque Virginis responsum: *Ecce Ancilla Domini, fiat mihi secundum verbum tuum:* atque tum passa fui ecstasi.

§. II.

Illiātius mihi fuit manifestatum idem Mysterium alio die Annunciationis, anno 1619. Sub horam Salutationis Angelicæ, dum vacarem orationi, ostendit mihi Divina Majestas solennissimum Festum, quod in coelesti Jerosolyma celebrabant in honorem Sacratissimæ Virginis MARIAE Dominae nostræ, omnes Virgines illius cœlestis Curiæ, hunc in modum: Infiniti Angeli edentes cœlestem musicam, canebant suaviter ac admirabiliter, pulsando instrumenta musica. Sanctissima Virgo & Domina Nostra, erat induita vestitu regio, & pereleganti ac mystico; atque in facro suo capite gestabat pretiosissimam coronam. Erat ad miraculum usque speciosa, & DEUS illuminavit meam animam, ut cognoscerem ipsius virtutes, donorumque excellentiam, quæ illi DEUS communicavit. Conspiciebatur hæc Domina quasi in quodam illustrissimo theatro, & magno stipata comitatu illorum beatorum Spirituum: Sanctæ illæ dictæ Virgines, veniebant binæ, splendifissimæ adornatae, & comptæ, ac habentes in suis capitibus coronas aureas, accedentesque eandem Dominam, se prosterabant ac deponebant coronas ex capitibus, & offerebant illas ad ipsius pedes, summam reverentiam ac venerationem exhibentes ejus Majestati, cuius se reputabant ancillas. Subito autem se erigebant illæ Virgines, & sancti DEI Angeli, qui aderant, ut hoc munus obirent, reponerent ipsis coronas ad capita. Hoc modo multæ accederunt nomine ceterarum omnium, quæ erant infinitæ in Aula illa cœlesti. Contemplata sum istud Mysterium aliquamdiu magno cum solatio, & agnovi eminentiam Beatissimæ Virginis, quamvis rotum, quod ego sum assequuta, fuerit valde parum,

rūm, respectu plurimorum, quæ vidi, neque tamen cognovi propter meam exigua capacitatem, vel quia ita DEO placuit. Derepente rapta sum in ecstasim, fuitque finitum Mysterium. Post unam deinde horam, vidi sacratissimam istam Dominam in alia specie. Intenta erat altissimæ cuidam contemplationi, & quasi sola degebat in quodam recessu. Interea vidi sanctum Archangelum Gabrielē, qui intrans in conclave illius Dominae, maximā reverentia illā salutavit, & peregit omnia, quæ nobis refert Evangelium de hoc sublimi Mysterio. Eo tempore, quo duravit colloquium Angeli & ianctissimæ Virginis Dominae Nostræ, torum cœlum, & Spiritus Beati, cum omni natura creata, quodammodo admirabundi & suspensi hærebant, expectando assensum illius Dominae, tanquam id, quod omnes tantopere exoptabant, propter summa bona, quæ ex eo assensu erant preventura universis, præfertim generi humano. Statim atque ita sacratissima Domina protulit illa verba, & præbuit suum assensum, cum tanto affectu, ut acceptando maternitatem DEI, accepererit una, atque ex corde amplexa fuerit omnes molestias & angustias, ac dolores, quos sacratissima ipsius anima erat perpessura, annuendo, ut esset Mater DEI; eo, inquam, ipso momento, quo assensit hæc Domina, vidi illam totam deificatam, & collucentem, ut appareret, inhabitari ipiusmet animam à Verbo Æterno Incarnato. Sed in alia visione simili, cum illam audirem dicentem ea verba: *Ecce Ancilla Domini, &c.* comparuit mihi quedam stella, similis igni, immensi ardoris ac splendoris, quæ eft ingressa in istam Dominam, eamque ita Deificavit, ut nisi nos Fides doceret, ipsum non esse DEUM, vīa fuisse esse DEUS. Et intellexi per hanc stellam repræsentari Verbum Divinum, quod tum assumpsit carnem ex ipsis visceribus. Ita exhibebatur modus, quo contigit hoc sacratissimum Mysterium. Paulo post accessit ad me Sanctissima Virgo, & ille ipse Dominus, quem videram in specie stellæ, univit se meæ animæ arctissimâ unione.

(e)†(s)

X

§. III.

Alio die, placuit Domino, ut vidaret ex tremam parvitatem ipsius recenter incarnati & concepti in visceribus sua Sanctissime Matris, que in reliquis infantibus, quando anima infunditur corpusculo, vix adequat magnitudinem digitum, unde magis pendere oportet dictum Sancti Pauli de Filio DEI, quod humiliaverit & exinaniterit semet ipsum. Dum esse, inquit, infirma, & vehementer desiderarem sacram Communionem, visitavit me Sanctus Pater Ignatius, dicens mihi, quod me suā manu ea vice esset communicaturus, non sacramentaliter, sed spiritualiter. Statimque se Sanctus Pater vertit ad altare, quod illic erat, & induitus talari lincia veste Sacerdotali candida, cum stola pereleganti & pretiosa, quam habebat in collo, ad me conversus, serebat in suis manibus sacratissimum Infantulum, valde parvum, qui quasi sedebat, aut media ex parte jacebat supra patenam: & è regione Sancti Patris conpexi sacratissimam Virginem Dominam nostram, quæ intuebatur attentissimè illum sacratissimum Infantulum, & contemplabatur Mysterium Incarnationis sui Filij ac Domini Nostri, quem ibi videbat, amando illum atque adorando. Ego etiam hæsi, ac stupui ista, & accensa amore illius sanctissimi Infantuli, contemplabar ipsius elegantiam & splendorem; facerrima namque ejus caro, videbatur facta & composita quasi ex purissimo & pretiosissimo cœlesti auro, sed videns illum tam parvum, mirabar ejus parvitatem; quia nunquam ipsum videram tam pusillum. Interea mihi dixit Virgo Domina nostra: Quare ita miraris, quod video parvitatem hujus sanctissimi Infantis? an ignoras, quod quando ipsum concepi in meis visceribus, fuerit tam parvus, immo minor, quam ipsum nunc videoas? Noveris, ipsum tibi modo exhiberi, atque à te suscipiendum, in ea forma & magnitudine, cuius erat paucis diebus à pœsto Mysterio sanctissimæ ipsius Incarnationis intra mea viscera. Subito venit Sanctus noster Pater Ignatius, qui ferebat, sicut dixi, illum Pupulum suis manibus,

ex qui-

ex quibus illapsus est in meam animam & cor, quod & strinxit, unde sensi mirabilem quandam unionem cum eodem Domino D E O, & Homine vero, eosdemque effectus, quos operatur, quando illum sumo sacramentaliter, & replevit animam mea folatio, ac satiavit, nec non illuminavit novâ cognitione Mysterij Incarnationis. His peractis abivit Virgo Domina Nostra, & Noster Sanctus Pater, multique Angeli, qui adfuerant vehementer stupentes id, quod ibi evenerat.

§. I V.

ALiás eodem Festo (anno 1618) vidi sacratissimam Virginem speciosissimam, & eleganter ornatam, atque aurea redimitam coronā, quae erat refertissima gemmis, stipatam præterea pluribus milibus Angelorum, summè exultantium. Et postquam me eadem Domina salutavisset, dixit mihi: Venio, ut mihi gratuleris magnam gratiam & favorem, quem mihi D E U S hoc die exhibuit, dum me fecit suam Matrem, utque illi agas gratias pro eximio beneficio, quod contulit mundo, dum homo factus est pro hominibus. Noveris autem infinitos esse favores & gratias, quas sum assequuta eo die, quo concepi Filium ipsius Unigenitum, easque esse tantas, ut non possint sufficienter estimari. His aliisque dictis, amplexata est me valde amoenè, & discessit cum comitatu, quem, ad me veniens, habuerat.

Alio anno, qui fuit 1623. eodem Festo, dignatus est mihi Dominus dare lumen, & cognitionem clarissimam, non absque magna mea admiratione, infinitè charitatis Filij D E I, qui propter nos assumpit humanam carnem, & ardentissimi amoris, quo nos usque ad mortem dilexit. Atque post satis longum tempus, vidi sanctissimam Virginem Dominam nostram, qualis fuit, postquam conceperat in suis visceribus sacratissimum Filium suum, ac D E U M nostrum: erat autem quam pulcherrima, tota Deificata, & resplendebat, ac si intra se haberet Solem; evibrata infinitam claritatem, & admirabiles ac

Divinos splendores, tantamque praeferebat Majestatem, ut ipsam non auderem alloqui, quasi oppressa à gloria, quæ mihi fuerat ostensa. Illuminavit me vero Dominus, ut specialiter duas illius prærogativas cognoscerem, videlicet Purissimam Conceptionem, immunem ab omni macula peccati, ac puritatem Virginalem sanctissimæ ejus animæ & corporis. Nihilominus illam rogavi, quantum potui, ut mihi faveret, obtineretque à suo sanctissimo Filio lumen, ne deciperer; commendavi quoque ipsi filios, qui se mihi commendaverant. Apparebat mihi ista Domina instar nitidissimæ columnæ crystallinæ, continens in se Divinum queridam lucidissimum Solem, qui ipsam totam illustrabat suis Divinis splendoribus. Benedicuit sit D E U S, Amen.

§. V.

DEnique præstis illigratiam Domina nostram, in quibusdam vehementibus afflictionibus, ut videat locum, in quo fuit peractum hoc Mysterium. Quodam die (19. Decembris anno 1623.) ait, ante Communionem, vidi Sanctissimam Virginem Dominam nostram, cum comitatu plurimorum Angelorum, in meo cubiculo. Ego autem, propter meos ordinarios timores, satis diu tergiversabar, ne illam viderem, & communicavi. Inter communicandum dixi ad meum Dominum: Hoc equidem credo, mi Domine, id enim me Fides docet, estque certissimum, quod modò sis mecum, & ego tecum, neque de hoc meruo. Verum est, dixit Dominus, sed etiam certum est, esse Matrem meam illam, quae te hic præstolatur. Ita conquisi, Sanctissima autem Virgo me salutavit, ac dixit: Veni Soror & Amica mea, mecum: atque hoc diēto, apprehendit mea brachia, & applicuit suum vultum cum magna gravitate meæ fronti, duxitq; me secum, comitantibus ipsam omnibus Sanctis Angelis, qui recenter advenerant, unâ cum meis. Transivi quosdam gradus valde latos, per maximum spatium, & ducebamus per campos amoenissimos ac fluvios,

vios, usque dum pervenissimus ad quendam parvum gratiosissimum campum, ubi substitutus. Erant in illo multi Angeli, qui decantabant laudes DEI, & Sanctissimæ Virginis, gratias agentes pro beneficio, quod DEUS contulit mundo, assumendo humanam carnem in viscibus istius Dominæ, & redimendo mundum. Ego interrogavi Dominam meam, qualenam hoc esset mysterium? cuius Majestas mihi respondit: Noveris, Soror, istum campum esse Nazarenum, ubi sita fuit domus, ad quam venit Sanctus Archangelus Gabriel, allatus mihi nuntium, nomine DEI, quem tibi campum volui ostendere.

Quolibet autem anno, die meæ Annunciationis, descendunt Angeli ex caelo, ad concelebrandum hunc diem, & decantandas hic laudes, quas audivisti. Mansimus ibi satis diu, fruentes illâ cœlesti musicâ, deinde Angeli elevaverunt Sanctissimam Virginem supra quandam nubem, mœque una cum ejus Majestate ad Cœlum, ubi fui unita cum meo DEO, & fructu sum aliquamdiu ipsius Majestate, ac postea fui reducta ad meum angulum. *Quod ad Domum Nazarethanam attinet, in capite 10. de Purificatione Beatissime Virginis Dominae Nostræ, exponetur clarius ejus mysterium.*

•*)*(a)

CAP V T IV.

De modo quo fuit peractum Mysterium Divinæ Incarnationis, Christi Domini Nostri.

Veniamus ad alias amabiliores visiones, de Mysterio Incarnationis, in quo ipse per lumen spiritus alijsum fuit manifestatus modus, quo ea peracta est, nec non Divinitas Verbi Incarnati.

§. I.

Dum, ait, quodam die orarem, conspexi Christum Dominum adstantem in suo talari & modesto vestitu, sicut illum videre consuevi: præferebat tantam gravitatem, benignitatem ac mansuetudinem, ut illum nemo videret, qui inde quidem coram eo non contremiseret, hinc verò ipsum non amaret, in eodemque non consideret ex toto suo corde. Dum ita ipsum aspicerem, quantâ poteram reverentiâ & amore, vidi, quod haberet insuis manibus quoddâ elegantissimum vas artificiose elaboratum, ex purissimo & cœlesti auro, instar pretiosissimæ & ornatissimæ cujuspiam ac magnæ Hierothecæ, cuius pes erat assabre efformatus. Ex hoc sacro vase circumquaque & undique prodibant purissimi radij aurei, instar radio-

rum solarium. Quamvis autem id intuerer, non poteram intelligere, quid esset, donec DEUS meam animam illuminaret, ut cognoverim ac intellexerim in hoc Sacrario, seu theca, inclusum esse sacratissimum mysterium Incarnationis JESU Christi Domini Nostri. Sed tum adhuc non percepi, quale esset, donec paulò post vidissim momentaneè aperiri Reliquarium, & ex speciali Divina illustratione videac intellexi, quomodo fuerit peractum istud Divinum Mysterium Incarnationis, quasi re verâ tum perageretur, & postquam hoc inspectante meâ animâ fuisse factum, etiam rursum in momento est clausum, unde fui ita obstupefacta, & consternata, ut dicerem intra me: Quid est hoc, quod vidi? istud Mysterium non contigit, nisi semel, quomodo ergo illud modo vidi peragi? Ita confusa hærebam, nec plura indagabam: quia nihil de magnilibus istis scio, quam quod me DEUS docet. Sed cum Divina Majestas videret, quid ageretur in mea anima, dixit mihi quam amantissem: Nè consterneris, neque ita confundaris, quia istud Mysterium non est modo peractum, sed ostenditur tibi, quâ ratione contigerit. Sic mea anima fuit

X 2

reple-